

phrenitide, entzündung des Hirns vnd
verrückung des Verstandts. Vnd Are-
tæus gebeut auch den Wein in der Phre-
neticorum sineope oder Ohnmacht/
dann der Wein/wegen seiner durchtrins-
genden krafft die lebendigen Geister balde
zurecht bringt vnd ermundert. Eins ist
wahr / vnd gewiß / wann ein innerlich
Glied / als Leber / Hirn / zc. entzündet vnd
erhizet / sampt einem starcken hitzigem
Fieber / daß alsdann der Patient sich für
starcken edlen Weinen hüten soll / als da
sind / welche in der Insul Creta oder
Coo wachsen / da Hippocrates gelebt/
vnd mit vnsern Weinen / welche offtrau-
he vnd wasserich genug sind / keines we-
ges zuuergleichen.

Vnd hat deswegen kein Bedencken
in andern Fiebern / vnd Kranckheiten den
wein zuzulassen.)

Dioscor.

Der Safft auß frischen Rosen mit
Frawenmilch auffgestrichen.

Münzensafft mit Frawenmilch.

Des zahmen Delbaums bletter mit
Frawenmilch.

Röhrbletter gestossen vnd auffgelegt.

Die